

## ياقسوة قلبك

هان عليكي تقوليها  
إن غيري في حياتك  
طب كنتي راعي إحساسي  
تكون نهايتي أني آسي  
وبقسوتك أكدتها  
وانا ماليش مكان فيها  
دانا فوتلك أهلي وناسي  
جراح والآم مين يداويها

هان عليكي تقوليها

كنتي عارفه إني بحبك  
عن سهدهم ياما حكيتك  
وانتي بعيد عن دنيايا  
طب كنتي حاولي تداريها  
وعيونى بالنظره قالتلك  
وبنار حنين شوقي شكيتك  
والحيره منك دي كفايه  
مانا اللي باتعدب بيها

هان عليكي تقوليها

كدبت قلبي وعني  
الحل لي ان انسني  
ياخسارة العمر ف حُبك  
حابعد بعيد عنك  
وبكيت عليهم وعلي  
عشان حنينك مش لي  
وياريت ماجيتك ولا شفتك  
والذكرى مني انسيها

هان عليكي تقوليها